

徐州府志卷之十九

人物二

唐

劉德威彭城人姿貌魁秀有幹畧隋大業末從裴仁基討淮賊手劔賊首傳行在後歸李密密降俱入朝授左武衛將軍封滕縣公詔將兵擊劉武周俄爲武周所獲使率本部徇地浩州得自拔歸盡上賊中虛實高祖嘉納封彭城縣公貞觀初歷大理卿綿州刺史政號廉平百姓立石頌德入爲大理卿太宗問曰比刑網寢密咎安在德威曰在君不

徐州府志

卷十九

人物

一

銅

在臣下之寬猛視主之好惡今坐入者無辜坐出者有罪所以吏務深文爲自營計帝然其言後遷刑部尚書檢校雍州別駕終同州刺史卒贈禮部尚書幽州都督謚曰襄陪塋陵德威於閨門友睦爲人寬平生所得俸祿以分宗親無留藏劉宏之徐州彭城人少志學與孫萬壽李百藥相友善武德中杜淹薦爲信都令有惠政永徽初以著作郎弘文館學士與令狐德棻陽仁卿等譔次國史并實錄以勞封陽城縣男終楚州刺史劉伯莊彭城人精漢書學貞觀中爲宏文館學士遷

國子博士與許敬宗等論譔甚多終崇賢館學士
自所著書亦百餘篇子之宏世其學武后時以著
作郎兼修國史終相王府司馬睿宗立贈秘書監
劉審禮德威子少喪母爲祖母元所養隋末大亂道
不通審禮自鄉里負祖母度江轉側避地及天下
平西入長安元每疾病必親煮藥嘗而進元曰兒
孝通幽顯吾一顧念疾輒間貞觀中歷左驍衛郎
將父喪免比葬徒跣流血行路咨歎服除當襲爵
讓其弟不聽見父執必感泗滂沱事繼母尤謹與
弟延景爲聞友得祿多資之而妻子執寒苦晏如

也再從皆同居合二百口內外無間言遷工部尚
書檢校左衛大將軍儀鳳三年吐蕃寇涼州副中
書令李敬元討之與戰青海上敗爲虜執其子尚
乘直長殆庶及延景詣闕待罪請入賊以贖有詔
審禮狗忠以歿非有罪宜各還職特詔殆庶弟易
從省之既至而審禮卒易從晝夜哭不止吐蕃哀
之乃還其父屍徒跣萬里扶護以歸見者流涕審
禮贈工部尚書謚曰僖弟延景字冬曰終陝州刺
史睿宗初以后父追贈尚書右僕射陪葬乾陵
劉延嗣審禮從弟爲潤州司馬徐敬業攻潤州延嗣

與刺史固守俄而城陷敬業邀以降延嗣曰吾蒙恩今城不守所負多矣詎能苟生爲宗族羞業怒將斬之其黨魏思温救止繫江都獄敬業錄忠當敘以裴炎近親裁遷梓州長史轉汾州製史宗族至刺史者二十餘人

劉延祐宏之從子擢進士補渭南尉有吏能治第一李勣戒之曰子春秋少而有美名宜稍自抑無爲出人上延祐敬納後檢校司廩少卿封薛縣男徐敬業敗詔延祐持節到軍時吏議敬業所署五品官殊死六品流延祐謂誣脅可察以情乃論授五品官當流六品以下除名全宥甚衆拜箕州刺史轉安南都護安南人丁建等叛合衆圍城以兵少援不至遇害

劉藏器延祐從弟高祖時爲侍御史衛尉卿尉遲寶琳脅人爲妾藏器劾還之寶琳私請帝止其還凡再劾再止藏器曰法爲天下縣衡萬民所共陛下用舍由情法何所施今寶琳私請陛下從之臣公劾陛下亦從之今日從明日改下何所遵帝乃詔可稍遷比部員外郎魏元忠稱其賢帝欲擢任爲吏部侍郎魏元同沮之出爲宋州司馬卒

劉易從審禮子累遷彭城長史任城縣男永昌中爲
酷吏周興誣搆坐死將刑百姓奔走爭解衣投地
曰爲長史祈福有司平直乃十餘萬當時號孝義
劉家及易從以非禍死天下寃之子昇年十餘歲
流嶺表六道使誅流人昇以信愛爲首領所庇免
後易姓溫北歸洛景雲中特授右武衛騎曹參軍
開元中累遷中書舍人太子右庶子昇能文善草
隸

劉知柔藏器子性儉靜美風儀居親喪廬墓側詔築
闕表之歷國子司業累遷工部尚書開元六年河

南大水詔知柔馳驛察民疾苦及吏善惡所表陳
州刺史韋嗣立汝州刺史崔日用兗州刺史韋元
珪符離令綦母頊等止二十七人有治狀久之遷
太子賓客封彭城縣侯致仕給全祿終身卒贈太
子少保謚曰文

劉知幾字子元藏器子年十二聞父爲諸兄講春秋
左氏冒往聽退輒辨析所疑父奇之許授左氏踰
年遂通覽羣史與兄知柔俱以善文詞知名擢進
士第累遷鳳閣舍人兼修國史中宗時修武后實
錄有所改正而武三思等不聽乃著史通內外四

十九篇譏評今古徐堅嘆曰爲史氏者宜置此座右也別撰劉氏家史及譜考上推漢爲陸終苗裔非堯後彭城叢亭里諸劉出楚孝王囂曾孫居巢侯般不承元王按據明審議者高其博嘗曰吾若得封必以居巢紹司徒舊邑後果封居巢縣子鄉人以其兄弟六人俱有名號其鄉曰高陽里曰居巢累遷太子左庶子兼崇文館學士開元初遷左散騎常侍貶安州別駕卒知幾領國史三十年嘗爲鄭惟忠言史有三長才學識世罕兼之故史才少時以爲篤論追贈工部尚書謚曰文六子貺餗

徐州府志

卷十九

人物

五

銅

彙秩迅迴

劉貺字惠卿好學多所通解 幾卒詔訪其後擢起居郎歷右拾遺內供奉獻續說苑十篇以廣漢劉向所遺而刊落怪妄貺嘗以竹書紀年序諸侯列會皆舉謚後人追修非當時正史如齊人殲於遂鄭棄其師皆孔子新意師春一篇錄卜筮事與左氏合知按春秋經傳而爲也因著外傳云

劉餗字鼎卿天寶初歷集賢院學士兼知史官終右補闕父子三人更蒞史官著史例頗有法弟彙左散騎常侍終荆南節度使彙子贊以蔭仕至宣州

都團練觀察使卒贈吏部尚書

劉秩字祚卿開元末歷左監門衛錄事參軍稍遷憲部員外郎坐小累下除隴西司馬安祿山反哥舒翰守潼關楊國忠欲奪其兵秩上言翰兵天下成敗所繫不可忽房琯見其書以比劉更生至德初遷給事中久之出爲閬州刺史貶撫州長史卒所著政典止戈記至德新議等凡數十篇

劉迅字捷卿歷京兆功曹參軍事嘗寢疾房琯聞憂不寐曰捷卿有不諱天理欺矣陳郡殷寅名知人見迅嘆曰今黃叔度也劉晏每聞其論曰皇王之道盡矣上元中避地安康卒迅續詩書春秋禮樂五說書成語人曰天下滔滔知我者希終不以示人云

劉迴以剛直稱第進士歷殿中侍御史佐江淮轉運使時新更安史亂迴餽運財賦力於職大曆初爲吉州刺史治行尤異累遷給事中

劉海賓彭城人以義俠聞爲涇原兵馬將與段秀實友善累立戰功兼御史中丞劉文喜據涇州叛海賓與其子光國給以奏請及入對因言姦慝可誅狀旣還光國手斬文喜獻闕下拜左驍衛大將軍

五原郡王海賓樂平郡王後朱泚反秀實密圖殺賊約海賓及何明禮岐靈岳三人爲外應及秀實擊泚而海賓未至遂遇害海賓等亦爲賊所殺贈太子太保

劉滋字公茂貺之子通經術喜持論以蔭歷漣水令楊綰薦林堪諫官累授左補闕後以司勳員外郎判南曹勤職奉進至給事中興元初以吏部侍郎知南選時大盜旱蝗相仍吏不能詣京師命滋至洪州調補以聞貞元二年擢左散騎常侍同中書門下明年罷又明年復爲吏部

徐州府志

卷十九

人物

七

銅

侍郎遷尋奪階卒陝州大都督謚曰貞弟亦有學術

劉敦儒泐之子也家東都易非笞掠人不能安左右皆亡去敦儒曰常流血母乃能下食敦儒怡然不爲痛隱留夏卿表其行詔標闕於閭元和中權德輿復薦授左龍武軍兵曹參軍分司東都在母喪毀死時謂劉孝子後爲起居郎達禮好古有祖

劉商字子夏彭城人第進士歷尚虞部郎中以病免所著有劉虞部集十卷

舊志

劉禹錫字夢得彭城人工文章名 時登貞元進

士宏辭二科辟淮南杜佑掌書 促入朝爲監察

御史以附王叔文坐貶朗州司 接夜郎俗

尚鬼每祠歌竹枝其聲傖俚禹 屈原居沅湘

間作九歌使楚人以迎送神乃 其聲爲竹枝十

餘篇武陵爨俚悉歌之始 貶者八人宰相

憐其才將澡濯用之會 起乃詔禹錫等悉

補遠州刺史而諫官言不 逐罷久之召還欲任

省郎以作元都觀詩語 忿當道不悅出爲

播州刺 下御史 度言禹錫有老母請

徐州府志

卷十九

人物

八

銅

稍內遷乃易連 州後由和州刺史入爲

主客郎中復作遊 詩且序始謫十年還京師

道士植桃甚盛燦 紅霞又十四年過之無復一

存惟兔葵燕麥動搖春風耳其言詆切權近時論

亦薄之俄分司東都雅爲裴度所知薦授集賢直

學士度罷復刺蘇州以政最賜金紫徙汝同二州

再遷賓客分司終以恃才褊心文辭多諷刺故偃

蹇寡合詩力精悍賦金陵懷古元白猶避其鋒會

昌時加檢校禮部尚書卒年七十二贈戶部尚書

子承雍亦登進士有才藻

劉仁師字行輿德威五世孫商猶子也長慶三年爲高陵令抑豪猾雪冤枉築新堰通水渠百姓享其利名其渠曰劉公堰曰彭城尋轉昭應令遷檢校

屯田郎中兼侍御史

見豐志

劉沔字子汪徐州彭城人父廷珍以羽林軍扈德宗幸奉天以戰功官左驍衛大將軍東陽郡王廷珍少孤客振武節度使范希朝署牙將軍中大會沔捉刀立堂下希朝奇之召謂曰後日必處吾坐希朝卒入爲神策將累遷大將軍擢涇原節度使徙振武開成三年突厥劫營田沔發萬人擊之賊無

徐州府志

卷十九

人物

九

銅

一返者會昌二年回鶻掠太原振武改河東節度兼招撫回鶻進屯雁門關虜寇雲州沔擊敗其衆以還太和公主功加檢校司空劉稹阻命詔沔南討屯榆社會王宰逗留宰相李德裕表沔鎮河陽以滑兵二千壁萬善居宰相肘腋下激之使出軍稹平進檢校司徒徙忠武節度使以病拜太子太傅致仕卒贈司徒

石雄徐州人少爲牙校敢毅善戰氣蓋軍中王智興討李同捷收棣州使雄先驅渡河鼓行無前徐軍惡智興苛酷謀逐之而立雄智興懼表雄爲壁州

刺史殺雄素所善百餘人誣雄搖亂文宗素知雄不殺流白州徙爲陳州長史黨項擾河西詔雄隸振武劉沔軍會昌初回鶻入寇詔雄爲天德防禦副使佐劉沔屯雲州沔與雄謀迎公主選沙陀李國昌及契苾拓拔雜虜三千騎夜發馬邑雄穴城夜出直搗烏介帳可汗大駭單騎走追斬萬級獲馬牛羊無筭迎公主還進豐州防禦使武寧李彥佐討劉稹逗留以雄爲晉絳行營諸軍副使助之雄受命卽勒兵越烏嶺破賊五壁斬獲千計雄臨財廉每朝廷賜與輒置軍門自取一匹縑餘悉分

士伍由是衆感發無不奮武宗嘉之就拜行營節度使代彥佐徙河中積危蹙其大將郭誼密獻款請斬積首自歸衆疑其詐雄以七十人徑薄潞受誼降進檢校兵部尚書徙河陽後拜神武統軍卒劉巨容徐州人爲州大將龐勛之反自拔歸授埭橋鎮遏使浙西突陣將王郢反攻明州巨容以筒箭射郢死拜明州刺史徙楚州團練使黃巢亂累遷山南東道節度使以扞巢屯團林江西招討使曹全晟與巨容守荆門關與賊戰巨容僞北巢追之伏興林樾間賊大敗執賊將十三人虜獲不可計

巢浮江東奔巨容追之十俘其八以功遷檢校禮部尚書後巢復熾陷兩京巨容合諸道兵討之授南面行營招討使累兼天下兵馬先鋒開道供軍糧料使檢校司空封彭城縣侯巨容明吏治時僖宗在蜀公卿多因巨容護赴行在後爲田令孜所害

王駕字大用彭城人大順元年第進士有集一卷

舊志

皇甫恒 尹務榮俱彭城人皆以事親居喪著至行天子各旌表其門

路審中徐吏也觀察使崔彥曾知其能頗任之彥曾

徐州府志

卷十九

人物

十一

銅

爲龐勛所害審中賂守卒斂葬其屍張元稔攻徐州審中率死士應官軍開南白門官兵入因得破勛後位嵐州刺史鄭畋謂審中節貫神明請擢爲右羽林將軍

時溥彭城人爲州牙將僖宗時授徐州節度使黃巢敗東走圍陳州營澗水秦宗權方據淮西相聯結溥地介於賊乃悉師討之軍鋒甚盛連戰輒克授東面兵馬都統遂合許兗鄆兵逐尚讓於太康斬首數萬級讓以所部萬人降溥遣將李師悅等追尾巢至萊蕪大破之巢至狼虎谷計無復之使林

言斬其首以獻而原博野軍殺言與巢首俱上溥以獻於行在故賊溥功第一加檢校司徒同中書門下平章事進檢校太尉兼中書令封鉅鹿郡王宗權阻兵又拜蔡州行營兵馬都統賊平與朱全忠爭功嫌碁日搆自後連歲相攻至景福二年全忠使龐師古攻拔徐州溥與妻子登燕子樓自焚死

五代南唐

徐玠字蘊圭彭城人事吳爲江西糧料使遷吉州刺史烈祖以佐命功拜右丞相出爲宣州節度使召

徐州府志

卷十九

人物

十二

銅

爲司徒年七十六卒贈高平郡王

馬仁裕徐州人數歲學兵法通解若素習事南唐爲昇州牙將以定朱瑾功遷左領軍將軍歷楚州刺史節度潤州改廬州爲政寬簡廉平甚得衆心

馬文義仁裕子以蔭授干牛備身隸祖全恩爲判官從下建州將吏皆入府庫爭取金寶文義獨收民籍故建雖亂而民安舊業文義有力焉遷贊善大夫卒妻朱氏賻贈一無所受人以爲其廉能刑家劉仁瞻字守惠彭城人父金事楊行密爲濠滁二州刺史以驍勇知名仁瞻事南唐爲將輕財重土法

將軍黃州

史所至稱治唐主景使掌親軍以爲武昌軍節度使周師征淮遷清淮軍節度使鎮壽州世宗攻壽州圍之數重以方舟載礮自淝河中流擊其城又束巨竹數十竿上施版屋號爲竹龍載甲士以攻之又決其水皆於淝河攻之百端自正月至四月不能下歲大暑霖雨彌旬周兵營寨水深數尺淮淝暴漲礮舟竹龍皆颺南岸爲唐兵所焚周兵多死世宗東趨濠梁以李重進爲廬壽州都招討使唐亦遣元帥齊王景達列砦紫金山下爲夾道以

屬城中而重進與張永德兩軍相疑不協仁瞻屢請出戰景達不許由是憤惋疾明年正月世宗復至淮上盡破紫金山砦壞其夾道唐兵大敗諸城守將或走或降皆不能守唐君臣震懾奉表稱臣願割地輸貢而仁瞻獨堅守不可下世宗使唐所遣使者孫晟至城下示之仁瞻子崇諫幸其父病謀與諸將出降仁瞻立命斬之監軍使周廷構哭於中門救之不得於是士卒皆感泣願以死守三月仁瞻病甚已不知人其副使孫羽詐爲仁瞻書以城降世宗命昇仁瞻至帳前嗟嘆久之賜以

玉帶御馬復使入城養疾是日卒世宗遣使弔祭
喪事官給追封彭城郡王以其子崇讚爲懷州刺

史

南唐書作淮陰洪澤
人今據五代史載入

宋

劉濤字德潤彭城人後唐舉進士爲左補闕周廣順
中再知貢舉累官右詹事濤性剛毅不撓與宰相
范質不協遂退居洛陽杜門以書史自娛太祖素
知濤履行召至以老病求退授秘書監致仕初清
泰中中書舍人盧導受詔主文將鎖院濤力薦薛
居正以爲文章器業必至台輔導取之後果爲相
世稱其知人濤子頊仕至監察御史頊子晟晟子
訥譚並進士及第

徐州府志

卷十九

人物

十四

銅

郭廷謂字信臣彭城人父全義仕南唐爲濠州觀察
使廷謂幼好學工書善騎射性恭謹事母以孝聞
全義卒擢莊宅濠州監軍周師來攻廷謂屢破之
以功爲滁州刺史兵馬都監及紫金山之戰南唐
諸將多降獨廷謂以全軍還守濠州旣而援兵不
至周師急擊南望大慟乃降周拜亳州防禦使宋
初再知亳州馮瓚知梓州爲僕夫所訟召廷謂爲
靜江

以代之悉除弊政

延

卒太祖

濬

爲

官

四年

以延濬爲

州

都巡檢使時成都將

單騎入城

卒

劔

賊來擊破之王繼恩

兵至以延濬爲先鋒壕

使卽領兵先進斬

級尋知漢州募軍民

舍橋梁城砦率州

軍需錄功改洛苑

使詔書嘉獎

郭延澤字德潤廷謂兄廷

子乾德中累遷殿中丞

知建州太宗聞其好學博

典籍召問經史大義

稱旨命爲史館檢討歷國子博士咸平中以虞部

徐州府志

卷十九

人物

十五

銅

員外郎致仕居濠城南有小園以自娛詠牡丹詩

千餘首聚圖籍萬卷 自刊校范景韓丕皆與之

游景德初卒

冕字君儀彭城人太平興國三年進士解褐將作

監丞累遷太常丞知滁州以勤政聞召歸轉監察

御史端拱元年召試文章遷左正言直史館出知

州遷福建轉運使建議廢邵武軍歸化金坑土

人便之至道初召入進秩兵部員外郎尋改工部

郎中命爲永熙陵儀仗使咸平元年選知益州會

戍卒亂冕奔漢州坐流儋州後官至祠部員外郎

王漢忠字希傑彭城人少豪蕩有膂力形質魁岸善騎射太宗在藩邸奇其才力置左右卽位補殿前指揮使累遷內殿直都知從征太原先登流矢中眸戰益急上壯之端拱中累遷高陽關副都部署契丹南侵漢忠合諸軍擊敗之斬馘甚衆眞宗卽位召歸復出爲鎮定高陽關都部署三路都排陣使契丹掠中山漢忠率諸將陣於野契丹遁追斬甚衆獲其貴將加殿前副都指揮使改頂保靜軍節度五年爲邠寧環慶兩路都部署召還出知襄州未上道暴疾卒贈太尉漢忠有識畧軍政甚肅

每行師詰旦必行香祝曰願軍民無犯吾令違者一毫不貸故所部無盜性剛果不務小節輕財樂施好讀書頗能詩喜儒士待賔佐有禮名稱甚茂彭程徐州人四世同居淳化初詔旌其門

晁迥字明遠世爲澶州清豐人父佺始徙彭城迥舉進士爲大理評事歷遷太常丞眞宗卽位擢右正言直史館獻咸平新書五十篇又獻理樞一篇召試除右司諫知制誥進翰林學士同修國史使契丹還奏北庭記加史館修撰知通進銀臺司獻玉清昭應宮頌其子宗操繼上景靈宮慶成歌帝嘉

美之史成擢刑部侍郎時朝廷方修禮文之事詔令多出迴手嘗夜召對帝令內侍持燭送歸院請分司西京特拜工部尚書集賢院學士判西京留司御史臺仁宗卽位遷禮部尚書居臺六年累章請老以少保致仕天聖中召宴太清樓寵賚甚厚進太子少傅後復召對延和殿訪洪範雨暘之應獻斧宸慎刑箴及感疾絕人事屏醫藥具冠冕而卒年八十四贈太子太保謚文元迴性樂易寬閒服道履正雖貴勢無所屈歷官臨事未嘗挾情害物眞宗數稱其好學長者楊億嘗謂迴所作書命

無過褒得代言之體喜質正經史疑義所著翰林集三十卷道院集十五卷法藏碎金錄十卷耆智餘書隨因紀述昭德新編各三卷

晁宗慤字世良迴子以父蔭爲校書郎屢獻歌頌召試賜進士及第除館閣校勘三遷大理寺丞集賢校理父迴領西臺宗慤求便養通判許州仁宗卽位遷殿中丞同修起居注累遷祠部員外郎知制誥宋綬嘗謂自唐以來唯楊於陵親見其子嗣復繼掌書命今始有晁氏焉後入翰林爲學士元昊反以宗慤安撫陝西與夏疎議攻守策還拜右諫

議大夫參知政事卒贈工部尚書謚文莊宗愨性敦厚事父母孝篤於故舊凡任子恩皆先其族人在翰林一夕草將相五制褒揚訓戒人得所宜嘗密詔訪邊策陳七事頗施用之

劉顏字子望彭城人少孤好古學不專章句舉進士第知龍興縣坐法免官久之授徐州文學居鄉里教授數十百人採漢唐奏議爲輔弼名對馮元劉筠等上其書除任城主簿歲饑發大姓所積粟活數千人所著有儒術通要經濟樞言石介見其書歎曰恨不在弟子之列

顏太初字醇之彭城人顏子四十七世孫少博學有雋才慷慨好義喜爲詩多譏切時事天聖中亳州衛眞令黎德潤爲吏誣搆死獄中太初以詩發其寃覽者壯之孔聖祐卒罷襲封太初作詩以諷在位因以聖祐弟襲封文宣公太初中進士爲莒縣尉忤轉運使投劾去後歷閬中臨晉主簿應天府戶曹叅軍南京國子監說書卒著書號洙南子所居在鳧嶧兩山之間號鳧嶧處士有集十卷淳曜聯英集二十卷

劉湜字子正彭城人舉進士累遷太常博士通判劍

閬州獄活死囚七人王堯臣安撫陝西薦之
知耀州富平有盜掠人子女者既就擒陽死伺
間逸去捕得復陽死湜趣焚其屍拜監察御史王
德用自隨州召還近臣言其有反相湜保佑之歷
三司鹽鐵副使兼領河渠事汴水絕鑿河陰新渠
通漕運如故會江南饑擢知江寧府奏運蘇州米
五十萬斛以貸饑民徙知廣州儂智高初平湜練
士兵葺械器作鐵鎖斷江路有盜據山敕貸罪招
之不肯降湜知並山民資之食卽徙民絕餉盜困
蹙乞降民安之居二年母老求內徙遂徙徐州湜
嫁營卒既登第具袍笏趨卒舍迎母里人觀歎改
知密州卒

劉庠字希道顏之子八歲能詩蔡齊妻以女中進士
第爲高密廣平院教授英宗求直言庠上書論時
事除監察御史裏行屢有直言帝不豫儲嗣未定
庠拜疏謂太子天下本隸王長且賢宜亟立使日
侍禁中閱四方章奏帝從之神宗立遷殿中侍御
史爲右司諫奉使契 事兩國忌日不相避契

丹張宴白溝曰當英宗祥祭庠丐免契丹義而聽之爲河東轉運使進天章閣待制歷河北河東都轉運使召知開封府庠不肯屈事王安石安石亟欲見之戒典謁者曰今日客至勿納惟劉尹來卽告我有語庠者曰王公意如此盍一往見庠謂見之何所言自彼執政未嘗一事合人情脫問青苗免役將何辭以對竟不往奏論新法神宗諭之曰奈何不與大臣協心濟治乎庠曰臣知事陛下不敢附安石會與蔡確爭廷叅禮出知太原府後歷知成都秦虢江寧滁諸府州徙永興軍時西征無功關內騷動庠過闕力言虛內事外恐搖根本帝感納其忠元祐初加樞密學士知渭州卒庠有吏能淹通歷代史王安石稱其博後蘇頌論庠建儲之功詔褒錄其子

顏復字長道太初子嘉祐中詔郡國敦訪遺逸京東以復言凡試於中書者二十有二人考官歐陽修奏復第一賜進士爲校書郎知永寧縣熙寧中爲國子 祐 爲 博士建言士民禮制不

式 令禮官薈萃古今典範爲五禮書
典 曲學 流術家之法一切芟去

俾大小羣祀盡合聖人之經爲後世法遷禮部員外郎累轉中書舍人兼國子監祭酒言太學諸生有誘進之法獨教官未嘗旌別似非嚴師勸士之道未踰年以疾卒王巖叟等言復學行超特宜加優賻詔賜錢五十萬子岐建炎中爲門下侍郎張天驥字聖塗彭城 隱居不仕構園亭於雲龍山西麓號雲龍山人 守蘇軾屢與之游 陳師道字履常 彭城人少好學苦志年十六以文 業熙寧中王氏經學成 遂絕意進取元祐初蘇

徐州府志

卷十九

人物

二十一

銅

軾傳堯

爲徐州教授又用梁燾

中改教授潁州又罷歸

書省正字卒

於諸經尤邃

知福 縣

陝西 運使

改知寧 軍多殺老

弱持 壯而能生致者賞半之

徐州府志

卷十九

人物

二十一

銅

有內附羗 殺擒之乃其父

持泣一軍 進討奏捷僅獨保 不

生事寇亦不犯徙秦 復為都轉運使召拜戶部

侍郎尋改吏部知徐 以顯謨閣直學士卒贈光

祿大夫謚修敏子望之字顯道少有文名靖康初

再使金營累官吏部侍郎嘗論王雲之寃帝為

動 原官與七子恩澤紹興二年以徽猷閣待

制致 七年召赴行在以衰老辭以直學士復致

仕卒贈中大夫

寇國寶徐州人從陳無已學詩文皆有淵源後舉進

士官吳縣主簿

趙立徐州張益村人以勇敢隸兵籍靖康初以戰功爲武衛都虞侯建炎三年金人攻徐王復拒守命立督戰中六矢戰益厲城陷復死立巷戰奪門以出金人擊之死夜半得微雨而蘇乃殺守者入城求復屍慟哭手瘞之金人北還立率殘兵邀擊斷其歸路奪舟船金帛以千計軍聲復振乃盡結鄉民爲兵遂復徐州詔授忠翊郎權知州事時山東諸郡莽爲盜區立介居其間威名流聞金人圍楚州急宣撫杜充命立往援連七戰勝而後能達楚

兩頰中流矢旣入城休士而後拔鏃詔以立守楚州金人攻城立屢破之朝廷以立爲徐州觀察使泗州漣水軍鎮撫使兼知楚州每奮身博戰金人莫能當堅守累月糧盡告急於朝趙鼎遣張俊劉光世救之皆不肯行金知外救絕圍益急忽飛砲中其首而絕年三十七金人疑立詐死猶不敢動越旬餘城始陷立不知書忠義出天性善騎射不喜聲色財利與士卒均廩給每戰擐甲先登劉豫遣立故人齎書約降立焚其書且曰吾了此賊必滅豫由是忠義之聲聞於遠近金人不敢斥其名

訃聞輟朝贈秦國軍節度使開府儀同三司官其子孫十人謚忠烈立廟楚州名曰顯忠

金

曹珪徐州人大定四年州人江志作亂珪子弼在賊黨中珪謀誅志并弼殺之尚書省議當補二班雜官敕詔曰珪赤心爲國大義滅親自古罕聞也更進一官正班用之

劉全彭城人天興間率鄉隣數百避兵沫溝推爲砦主北兵至徐盡俘其老幼全父亦在其中北兵質之以招全全縛其人送徐州因竊其父以歸徐帥益都嘉其忠承制以爲昭信校尉遙領彭城縣尉後遇國用安以其不附已見殺

元

徹里燕只吉臺氏曾祖太赤爲馬步軍都元帥從太祖定中原以功封徐邳二州因家於徐徹里幼孤母蒲察氏教以讀書至元十八年世祖召見應對詳雅悅之俾常侍左右民間事時有所咨訪嘗奉使江南省風俗訪遺逸桑哥爲相用其黨鈎考天下錢糧負逋械禁榜掠民不勝其苦死者以百數廷臣莫敢言徹里乃具陳桑哥誤國害民狀辭語

激烈帝怒謂其毀詆大臣命左右批其頰徹里辯
愈力帝乃悟命徃籍其家得珍寶如內藏之半桑
哥旣誅諸枉繫者始得釋復命徃江南籍桑哥姻
黨皆棄市天下快之徹里徃來凡四道徐皆過門
不入陞福建行省平章政事引兵誅斬汀漳劇盜
歐狗所過秋毫無犯脅從者不戮一人帝崩與諸
大臣共定策迎立成宗拜江南諸道行臺御史大
夫改江浙行省平章政事發卒疏吳松江四閱月
畢工召入爲中書平章事尋以疾薨年四十七家
資不滿二百緡人服其廉贈太傅追封徐國公謚

徐州府志

卷十九

人物

二十五

銅

忠肅至治二年加贈太師追封武寧王謚正憲

錢光弼字仲明彭城人以薦授將仕郎同知晉寧州
事尋遷太常司直治中再遷汴梁路總管兼府尹
未二年省憲交薦遷平江路總管兼管內勸農事

卒贈兵部尚書追封彭城郡侯

見舊志云有神道碑存

石普字元周徐州人至正五年進士授國史院編修
從丞相脫脫平徐州陞樞密院都事從守淮安時
張士誠據高郵普詣丞相面陳破賊策且曰高郵
負重湖之險地皆沮洳兵莫能前若與普步兵三
萬保爲取之高郵旣平則濠泗易破普請先驅爲

天下忠義倡丞相壯之命權山東義兵萬戶府事
募萬人以行而用事者陰沮之滅其軍半普行次
范水皆日未夕令軍中具食夜漏三刻下令啣枚
趣寶應營中更鼓如平時抵縣卽登城樹幟賊驚
潰因撫安其民乘勝拔十餘砦將抵高郵分兵三
隊自將攻北門遇賊與戰賊不能當遁入城普先
士卒躡之縱火燒關門賊懼謀棄城走而援軍忌
普成功按兵不進總兵者遣蒙古千騎突出普軍
前欲奪先入功賊殊死戰蒙古不能當卽馳回普
止之不可爲賊蹂踐軍亂賊乘之普勒兵血戰仗
劍大呼曰丈夫當爲國死有不進者斬直入賊陣
奮擊從者僅三十人日西援絕被創墮馬復步戰
數合賊益至攢刺普與從者皆死之

胡居仁 張允中俱徐州人以居喪廬墓旌表門閭

見元史孝友傳序

郭通徐州人少以孝稱父柩在殯鄰火延及通舍通
仰天訴日柩不能移寧與柩俱焚死伏柩慟哭火

遂熄

明一統志

明

朱守仁字元夫徐人元末兵起應州辟累破羣盜歷

官樞密同矩守舒城明兵下廬州舉城附授
斷事出知袁州撫安創殘民甚德之洪武
爲工部侍郎四年拜尚書奉命察山東官
稱旨尋改北平行省叅致以饋餉不繼謫蒼
縣進知容州高唐州皆有善政十年進四
使司治尚簡嚴以疾致仕雲南平改威楚
宣撫司爲楚雄府起守仁知府事招集流
徭役建學校興人才居九年境內大治上
郡人垂涕送之拜太僕卿首請立草場於江
處牧放馬匹所轄十四監九十八羣馬大蕃息馬

政之修自守仁始久之致仕永樂初入朝遇疾卒
孫環字璇玉由國子生授陝西靖寧知州有孝行
母歿廬墓有司上聞旌表其門

房棟字子材祖友信洪武中以文學薦授翰林檢討
棟博學明經有文譽由國子生知山西鞏縣致仕
蓄古書甚富閉戶誦讀學益該博詩文多散佚不
盡傳

朱芾字大芾徐州人洪武中爲戶科給事中改御史
性剛直糾劾百僚無所避忌以言事忤旨謫戍雲
南行次九江而卒

趙庭蘭徐人洪武中爲漢陽知縣愛民任事朝廷

遣使徵陳氏散卒他縣多以民丁應庭蘭獨言縣

無有漢陽人言郡守則稱蘇恭讓言縣令則稱庭

蘭云

見明史

王僧兒徐州人母病醫禱弗效僧兒沐浴叩天剖腹

取肝入糜食母母病尋愈洪武中旌表

嘉靖志名見明史

孝友傳序

劉恭字政亨徐州人少穎悟好學舉洪武二十九年

鄉試授山西陵州訓導謫戍泗州從燕兵渡淮授

百戶永樂初改建寧通判禮部員外郎與修永樂

徐州府志

卷十九

人物

二十八

銅

大典尋致仕歸

明統志劉泰作

任肅字伯雝徐州人建文二年舉於鄉爲

進郎中以營繕宮殿成遷南昌知府多

父老乞留命增秩還任尋擢雲南左叅 致

闔馬兒建文四年以匠執役京師父家居病第

歸省剖腹 肝焚香籲天祈父病瘳事

旌其門

嘉靖志

山雲徐人父青從太祖爲燕山左衛百戶永

靖難功累會中軍都督僉事雲貌魁梧多

金吾左衛 使 從出塞先登却敵仁

行在都督僉事宣德二年佩征蠻將軍印充總兵官出鎮廣西時柳慶蠻韋朝烈等糾合猺獞爲邊患雲至討朝烈破之分遣將平定諸蠻先後大戰十餘斬首萬二千二百六十降賊酋三百七十還男女二千五百八十築堡九城四舖舍五百餘區猺獞屏跡居民安堵論功進都督同知璽書褒勞雲謀勇鷲發而端潔不苟取公賞罰嚴號令與士卒同甘苦臨機應變戰無不捷所至咨里老撫善良人皆愛之英宗卽位進右都督正統三年卒贈懷遠伯謚襄毅長子俊當襲爵讓其弟泉世爲府

軍前衛指揮使廣西人思雲不置肖貌祀之

馬榮徐州人由永清衛鎮撫從燕兵轉戰積功至都督僉事從征本雅失里領左翼進右都督永樂八年卒追封景城伯謚壯威

權謹字仲常父執中自河間徙居於徐遂爲徐人謹十歲喪父卽哀毀奉母李至孝兄度爲山西壽陽丞坐事謫戍謹罄資給其行妹早寡撫其孤成立永樂四年以沛人主事呂寧薦授樂安知縣遷光祿署丞以省侍歸母年九十而終躬負土封樹廬墓三年致泉湧兔馴之異有司以聞仁宗命馳驛

赴闕出其事狀令侍臣朗誦大廷以示百僚卽拜
文華殿大學士謹辭帝曰朕之擢卿以風天下爲
人子者他非卿責也尋扈從皇太子監國南京宣
宗嗣立以疾乞歸改通政司右叅議賜白金文綺
致仕家居十餘年卒子倫字民衷舉永樂十五年
鄉試養親二十年親終不仕倫子宇亦篤孝倫年
九十病卧宇侍湯藥不少懈旣卒負土種樹廬墓
側晨昏哀泣母歿亦如之成化十二年亦獲旌表
人稱世孝

王弼徐州人永樂中爲良鄉知縣縣當要衝事極繁

徐州府志

卷十九

人物

三十

銅

弼辦理得宜踰七旬當代去民懇留之益勤政不
怠歲旱躬禱卽得雨蝗入境復自祈之爲羣鳥食

盡遷戶部主事

明一
統志

張端字端夫親喪廬墓永樂中以孝行薦授眞定太
守又張文友徐州衛軍金暉字士昭國子生二人
並正統間以孝行旌張陳州學生吳友直路車俱
州民三人並成化間以孝行旌

馬蕙字彥芳其先崑山人曾祖良爲徐州衛知事遂
占籍於徐蕙邃於學舉宣德七年鄉試歷曹縣上
蔡教諭汝寧教授所至敦重行誼教有成效藩省

屢聘典文皆辭不赴以疾卒於汝寧所著有蘭齋集子暉字廷震舉成化七年鄉試初知潞州居官平恕宗藩信服無撓法者均徭賦興學校以治最遷南京戶部員外郎進郎中卒於官孫湘字宗海江字宗岷皆篤學湘舉鄉試官慶陽通判江由貢歷光山訓導南陽教諭興禮勸俗以古道教人

沙傑字彥英舉正統九年鄉試爲沂州學正遷西安教授以操行見稱子立登宏治三年進士歷官廣西按察僉事性別介迂劉瑾罷歸傑從子元以貢授濟揚訓導節立子孟升孟升子國禎皆

徐州府志

卷十九

人物

三十一

銅

歲貢國

世以清德著聞

王豫字德立

子生歷官良鄉令戶部主事

皆有聲豫性孝初居父喪哀毀骨立母歿如之將舉柩合葬父塋道遇雷雨豫號泣籲天雨尋止旣

三年羣鵲馴集正統有司奏旌其門

字敏時全孝居親喪盡禮比葬廬墓三年由

山西州陞河同知

玉子生寧州知州有孝

行母歿

孫順字

同知有

惠政遷貴州銅仁知府蒞政公平夷民信服孫珩
字邦玉登成化戊戌進士歷官廣東左叅議亦有
聲於時

張佶字習之徐州人成化五年進士除鄞縣知縣性
剛敏治甚有聲遷南京刑部主事有疑獄久不決
佶一訊卽定其他多所平反遷浙江按察僉事勢
豪相戒勿犯尋爲忌者所中罷歸

劉經字引之徐州人舉成化二十二年鄉試授武義
知縣治最遷濟寧知州時劉瑾擅權遣人索金不
予遂免官後瑾敗或勸自白竟安退以終

徐州府志

卷十九

人物

三十一

銅

楊志學字遜夫徐州人宏治六年進士歷官大同寧

夏巡撫邊人愛之累遷刑部尚書卒謚康惠

明史

馬尚用辛賈山村人幼孤奉母至孝母歿廬墓朝夕
泣奠正德中流賊掠州境尚用守墓不去鄉鄰強
之乃歸

馬津字宗孔蕙之後正德十二年進士除餘干知縣
宸濠反從王守仁征討擢御史抗疏敢言遷大理
寺丞出爲福建提學副使律身端整訓士有方以
疾歸家居究心理學所撰有克復諸篇

張鶴鳴字孚宇萬曆庚辰科進士授山陰知縣值張

楊榮字子華其先保定人父勸爲呂梁巡檢卒官葬此榮廬墓三年榮卒子輔亦廬墓榮母朱氏卒輔又廬墓凡六載泣血粥飲雖齏鹽不入口主事劉天麒奏聞旌之又王貫呂梁人母卒亦廬墓三年

以上三人
見呂梁志

周正徐州人家酷貧目不知書以力養親親歿賣身以葬新安義商捐貲贖之正必竟役而後去萬歷中卒知州張植爲墓碑旌其行

萬崇德字惺新萬歷甲辰進士授臨海知縣擢御史出按河東鹽池提督遼餉所至著聲績

徐州府志

卷十九

人物

三十四

銅

張垣徐州人崇禎六年武舉居鄉謹厚好施嘗出家粟賑饑存活甚衆又置義田十餘頃以贍族人後以保舉授河南歸德府通判以稱職聞明亡遂以身殉

吳汝琦徐州人明季備兵歸德與守道蔡鳳同死滕九萇徐州人以順天京衛經歷家居明末流寇擾徐被執罵賊爲賊所殺

王養心徐州諸生少孤事母孝甲申三月養心聞變痛哭絕粒七日不死乃闔戶自經

王明德字皜儒徐州人明南渡時爲太平府學訓導

屬有亂兵入城明德偕其妻赴泮水死

本朝

萬壽祺字年少徐州人明御史崇德子崇禎三年舉於鄉五上公車不第甲申後避地吳中當事欲授以吳江令不就復渡江卜築山陽清江浦自號沙門慧壽或曰明志道人其學博極羣書深明歷法旁通禪理吟咏無虛日有隰西內景諸集書畫俱精妙絕倫

李向陽字孝乾明天啟甲子舉人性純孝乙丑會試却逆璫納交幾罹禍後渡江旅食金山歸而躬耕

徐州府志

卷十九

人物

三十五

銅

自給足不及市廛與萬壽祺詩篇倡和爲莫逆交當路累薦不就嘗手疏五經離騷註陰符老莊批選唐宋八家文盈千卷自爲古文辭制義各有集孫蟠康熙丁丑殿試第一官修撰

楊妍徐州諸生甲申三月聞變以家財募兵江淮督師史可法辟置幕府授歸德屯田推官 國初隱居不仕

張聯璧字又白徐諸生以孝聞父歿哀毀骨立服闋重違母側不應鄉試伯兄嘗遭誣被逮慮爲母憂破產以脫之弟早死子幼無依召同居及長分田

與諸兒等有姊孀居而貧并孤甥迎養於家大學士李光地爲之傳

李從任徐州諸生讓產長兄以教授自給復爲兄婚其二子其弟夫婦死於盜覓屍合葬成禮撫其女嫁之明末羣盜劫從任入神廟中僧識之語盜姓名呼爲義士得釋瀕行見所掠婦女十百聚他室好語盜曰此皆良家女吾罄家資可得三百金向汝贖之可乎盜曰可歸挾金去如言盡散遣之有江西友人家燬於火不能自存從任迎其眷屬至徐經紀其生業子藻孫宗靖並有至行自從任以

徐州府志

卷十九

人物

三十六

銅

下皆以曾孫衛貴贈光祿大夫太子少保兵部尚書浙江直隸總督

楊枝榮徐州人幼失父卽哀毀如成人母欲殉父死枝榮泣涕防護家酷貧減衣食以養母母終哀毀骨立典鬻以葬順治十七年旌表

張賁徐州生員事孀母孝聞於鄉順治十七年旌表張膽徐州人明崇禎癸酉武舉官至副將加都督同知會推總兵謝歸課耕植務居積好善樂施凡州有大故及拯災恤患人以告靡不應康熙辛酉徐大饑出囤粟數千石設廠分賑復運麥三千石賑

淮安州舊學圯衆謀遷建捐千五百金爲倡遂董其成荆山口爲南北孔道橋壞不可行人常病涉出三萬六千餘金建橋長數里以便行旅晚歲舉鄉飲大賔諸子皆列顯仕卒祀鄉賢

韓尚亮字繼川徐州人少有勇力善騎射明末盜起嘗糾義勇六十人破賊五百餘保全鄉里順治二年以白衣投總兵官馬得功爲軍鋒從下江南又從平越閩皆有功委爲副將燒敵桃花嶺陣襲將軍寨擒其王功最九年海寇鄭成功圍漳州得功遣尚亮率三千人突圍八守城中糧盡食皮紙都盡至啖死人凡九月援兵至圍始解錄功置漳鎮總兵十一年移鎮泉州康熙元年授福建水師左路總兵三年卒於官篋無餘金幾不能殮

吳汝琰字來伯徐州人弱冠爲諸生值流寇侵掠練民兵保護鄉里嘗以計擒僞官順治初從大軍定淮安授廟灣同知有招降功尋改寧波通判監造戰艦平大嵐諸山寇未幾移疾歸居鄉三十餘年凡郡中有徭役興建及旱潦災侵之事輒首出金錢爲倡鄉邦推其好義年九十卒子廷燮曾孫弘增皆舉於鄉

趙國銓字衡士本姓崔幼好讀書不輕言笑爲諸生有聲以貢當受官不樂仕進以老疾辭居呂梁四十年不入城市授徒自食有餘貲輒以周急學子數十人皆先教以行誼年九十七而卒廣東僉事丁易爲之傳

喻三元字魁一徐州人從征福建以功授遊擊鎮北樓隘口地隣五臺夙爲盜藪三元防禦有方盜賊斂跡加都督同知陞山永副總兵持身潔廉治軍嚴明

吳光詡州庠生事父母至孝年逾七旬訓子孫必述

徐州府志

卷十九

人物

三十八

銅

先人言行言已輒流涕鄉人重之五舉鄉飲廩

舊志

李三禮州人七歲親病叩天稽首至愈乃止長以例授廣東經歷不赴親強之行謬以他故返父病呼

天求代及歿廬墓側淚漬土皆濕竟死於墓所

舊志

王業大徐州人母病割股至再

舊志

馬羲徐州人父伯奇早孤家貧事親以孝聞後以諸生爲選貢羲早喪母善事繼母順治十年秋膠兵煽亂隨父自南鄉入城遇寇掠父所乘馬使送其營從者惶懼欲奔寇怒手刃其父中創未殊將遂殺之羲大呼寧殺我毋傷吾父涕淚交橫寇嘆息

其孝釋之而去羲時年甫十六云

舊志

郭如徐州人年八歲遭明末流寇亂父母死於兵不知遺骸所在如依媼戚以長每思父母輒悲號既有家室刻木主朝夕奉事如生時閱三載具棺殮主以葬復廬其所三年頗讀書能文以親遭難遂終不應試每遇歲時流涕終日年近百歲終

程一順徐州人性好施予明崇禎末建橋埋胔賑給饑貧順治四年歲饑復捐貲煮粥偕妻孟氏親視炊爨所活近萬人監司府州咸表其門

舊志

張道祥字履吉膽長子以父蔭授秘書院中書舍人

徐州府志

卷十九

人物

三十九

銅

順治十七年從定西將軍平雲南授洱海僉事康熙七年改雁門僉事進叅議吳三桂叛命兼轄大同糧餉并督應州礦務事皆辦集二十一年山西地震道祥賑生瘞死撫恤備至大同大饑出已貲購米四千餘石以賑時樂戶乘饑買饑民女子爲娼道祥捕諸惡繩以法追出數百人驗文券出貲贖之給以飲食路費又力請巡撫奏免雲代被災糧賦頌聲遠聞二十三年擢湖北按察使以滇黔甫平楚民久困轉輸益治以寬大讞獄平允矜恤繫囚捐贖難民甄拔士類善政甚多居二載以疾

卒於官弟道瑞字履貞武進士仕至福山營游擊
道源字履常貢生仕至江西驛鹽道俱有能聲子
彥琦字次韓國子生好學能文性孝友乾隆元年
舉孝廉方正以養母辭不赴所著有博雅備考
張之麟字仁趾徐州人康熙壬子武舉以守備効力
河工累遷貴州威寧鎮總兵以疾歸之麟歷官有
聲尤加惠鄉里徐東鄉數罹河患田湮没人多流
亡之麟出麥數千石濬渠洩水人還就工全活頗
衆又疏房亭河倡築花山口黃河子堤汙田盡成
沃壤徐邳之人立碑以銘其德卒祀鄉賢

徐州府志

卷十九

人物

四十

銅

谷應麟徐州人年十一喪父家貧學薙髮養後母四
十餘年不懈婦死母年八十仍躬爲執爨母歿貧
無以殮遂鬻身鄰家治具與父及生母合葬隣家
感嘆折券令歸廬於墓側日培土三肩雖甚雨雪
不輟數年墳高大巋然若邱陵有司上其事獲與
旌典又有李本延者鄉居能孝父母歿亦廬墓三
年

徐文魁徐州人以任卹著稱值郡人饑疫捐貲施粥
藥棉衣存活萬計其死亡者施棺埋骨善事尤多
巡撫題請旌表

韓永廕徐州人性仁孝篤於爲善見暑蘭山村人失學立義塾延師教之歲於冬春之交煮粥濟饑人三月製棺貯古廟中聽喪者自取割負郭田十五畝爲義冢築城西南路於瀦水處建橋以便行人上官旌曰善人

丁瑄州諸生好施濟康熙初歲大歉民饑流亡瑄鬻產賑之獲全甚衆

崔詠字肆三徐諸生性孝友好周人之急爲鄉里所重

韓元朗字熙子康熙九年武進士十四年從征逆藩

耿精忠靖海寇劉國軒以才勇爲軍鋒克復處州江山諸邑夜襲仙霞關降其將連克浦城建陽延平遂平福州署遊擊守泉州被圍衣甲不解者數月卒保其城累遷得勝路叅將陞金華副將乞歸卒

劉一鵬字翼雲徐諸生母李早亡事繼母王孝王病嘗雪夜行禱知州和羨夜巡見之獎曰純孝又捐田爲義冢毀居旁屋以便行路壽九十餘卒

袁鈐字孝辰康熙辛未武科榜眼以侍衛從征噶爾丹立功世襲拖沙喇哈番授延安叅將累遷涼州

總兵都督同知四十八年徐州饑賑糧千餘石全活甚衆修岱山西長橋數里以利涉鄉人德之母喪歸卒祀鄉賢

李春雷字玉環父從先明天啟四年大水編筏活人是歲春雷生及長多善行至雍正元年年百歲詔賜八品冠服旌其閭二年以壽終

李衛字又玠徐州人宗靖子狀貌瓌瑋才畧過人以國子生援例爲兵部武選司員外郎遷戶部郎中山西大饑從都御史朱軾往賑悉心籌畫全活無算雍正元年授雲南鹽驛道廓清積弊 優詔褒

之旋陞雲南布政使仍管鹽驛兼管銅廠請制府兵勦定山苗尋擢浙江巡撫兼理鹽務海塘整肅綱紀申嚴條約有司奉職無敢違越興革利弊隨事規畫行順莊均田役法革數百年里書圖甲之弊以帑金三十萬糴米蜀中分貯諸州縣常平倉及省城永濟倉以備平糴四年晉階總督兼巡撫鹽政并轄江蘇諸府州督捕事前此未有也衛素嫻武藝每操演兵旅登壇指揮軍容甚盛江洋多盜出沒江浙交界太湖間廉得其姓名居址潛遣兵役躡之無得脫者他盜有發輒獲自是東南數

于里少盜警疏西湖淤塞葺前賢祠宇 舉廢墜
湖 大悅七年入覲 命遊御 遣書 其狀
貌進階兵部尚書四任丁母憂 命在任守 尋
加太子太保九年再入朝 命在軍機處行 旋
署刑部尚書月餘 命爲直隸總督巡歷塞外周
覽邊防定軍實練武勇於保定募兵二千悉成勁
旅請設大名兵備道以重彈壓整肅官吏薦廉幹
黜貪懦賞罰明信畿南飛賊積窩密訪捕戮捐養
廉以益書院諸生膏火其措置無異撫浙時
宗憲皇帝常褒異之前後 賜賚不勝紀乾隆元年

徐州府志

卷十九

人物

四十二

銅

持命兼管直隸總河周歷永定河東西兩淀及運
河海口條上應修濬者報可二 畿輔少雨奏請
停徵減糶留漕貯穀諸事 詔卽施行其秋大水
三年秋復苦雨連遭歉歲衛賑濟有方民得安堵
是年十月以積勞成疾卒於官年五十有二
聞之震悼言衛累任封疆實心辦事勇往直前無所
瞻顧遣內大臣往 喪還 命所過郡縣有司奠
醑護送 賜謚敏達五年 詔祀賢良祠
吳 鯤字北海銅山人少好讀書雍正初 監生援
例選知雲南新興州民

心寬厚重名 遊篤親戚恤孤窮濟人急
難不欲以其人姓名聞於人曾捐修西河堰響水
闌 他如設義渡立義學助婚嫁施棺槨醫藥歲
以爲例鄉里皆稱之

張 極字環北由恩貢生初任粵東理問刑多平
以卓薦莒州牧興利陳弊政蹟大著後罷歸士
之卒年古希 子大來奉二親色養承歡伯兄
力歸還仲兄亦早歿遺孤田礲
易以已產使 成家凡敦一本和鄉里樂善好義
類此三子恩銓恩洽恩波皆庠生